

(96356·1C6)

明 清 史 料

丙 編

十 本

究必印翻有所權版

中華民國二十五年十一月初版

全部連布實價國幣玖元
第六本實價國幣玖角
外埠酌加運費匯費

編輯者

國立中央歷史語言研究所

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

平

明清史料目錄

丙編第六本

五百零一至六百葉

- 江西提督金聲桓揭帖
河南巡撫羅繡錦揭帖
河道總督楊方輿題本
江西招撫孫之獬揭帖
江西招撫孫之獬揭帖
浙江總督張存仁等奏本
明惠親藩朱常潤揭帖
梅勒章京屯代揭帖
湖北巡按馬兆燿揭帖
荊州總兵鄭四維揭帖
江寧巡按毛九華揭帖
江寧巡按毛九華揭帖
江西提督金聲桓題本

五〇一

五〇二

五〇三

五〇七

五〇八

五〇九

五二〇

五二一

五二四

五二五

五二六

五二八

五二九

- 湖廣巡撫何鳴鑾題本
駐劄武昌總兵祖可法揭帖
甘肅巡撫黃圖安揭帖
浙江總督張存仁奏本
肅王諭西南等處地方令旨
陝西寧夏總兵劉芳名揭帖
江西總兵金聲桓揭帖
定西侯唐通揭帖
江西巡撫李翔鳳揭帖
陝西道監察御史羅國士揭帖
陝甘巡按魏瑄揭帖
吳淞總兵李成棟揭帖
湖廣巡撫何鳴鑾揭帖

五〇〇

五〇三

五〇三

五〇四

五〇五

五〇六

五〇七

五〇八

五〇九

五二〇

五二二

五二二

五三三

浙江道監察御史吳達殘題本

五四

通狼總兵劉世昌奏本

五五

鄖陽提督潘士良揭帖

五六

甘肅總兵劉有實揭帖

五七

鄖襄總兵王光恩揭帖

五八

鄖襄總兵王光恩揭帖

五九

鄖襄總兵王光恩揭帖

六〇

甘肅總兵劉有實揭帖

六一

安徽巡撫劉應賓揭帖

六二

抄錄招撫湖南文武各官書啓本稿

六四

河南巡撫吳景道揭帖

六九

江西巡撫李翔鳳揭帖

七一

江西提督金聲桓題本

七二

安徽巡撫劉應賓殘揭帖

七三

平西王揭帖

七七

江西提督金聲桓揭帖

五八

河南巡撫吳景道揭帖

五九

湖廣巡撫何鳴鑾啓本

六〇

河南巡撫吳景道揭帖

六一

延綏巡撫王正志啓本

六二

荊州總兵鄭四維揭帖

六三

偏沅巡撫高斗光揭帖

六四

川湖總督羅繡錦揭帖

六五

刑科抄出山東青州道韓昭宣革職提問殘件

六六

陝甘巡按許弘祚啓本

六七

山東巡撫丁文盛啓本

六八

陝甘巡按魏瑄啓本

七一

安徽巡撫劉應賓啓本

七二

江西提督金聲桓等揭帖

七三

登萊巡撫楊聲遠啓本

五七四

江西總兵金聲桓殘啓本

五七五

御史吳達奏稿

五七六

山東巡按吳達揭帖

五七七

江楚大患殲除殘揭帖

五七八

山東巡按吳達揭帖

五七九

粵東南韶兩郡俱入版籍殘揭帖

五八一

兩廣總督修養甲揭帖

五八二

布告浙東福建新定地方詔

五八三

粵東底定恩詔

五八五

兩廣總督修養甲揭帖

五八七

陝西巡按趙喘揭帖

五八八

陝西巡按趙喘揭帖

五八九

陝西巡撫雷興塘揭帖

五九〇

陝西巡撫雷興塘報

五九一

兩廣總督修養甲揭帖

五九二

湖廣巡撫高士俊揭帖

五九三

兩廣總督修養甲揭帖

五九五

兩廣總督修養甲揭帖

五九五

兩廣提督李成棟揭帖

五九六

湖廣提督孫定遼揭帖

五九七

陝西巡撫黃爾性塘報

五九八

明清史料

丙編第六本

五百零一至六百葉

江西提督金聲桓揭帖順治二年十月二十二日到

提督江西全省軍務糧餉總理撫勦等事駐劄南昌掛討逆將軍印總兵官左都督金聲桓謹揭爲塘報事八月二十
九日據標右營副將何鳴陛前鋒營副將蓋遇時忠勇營參將吳翔龍等報稱職等奉令征勦袁州於本月二十二日
統率馬步兵自新喻進發至二十四日離袁州府四十里彬江地方劄營於二十五日辰時分兵三路鳴陛居右遇
時居左翔龍居中分派已定直搗袁州黃朝宣等率領賊衆五千有餘離袁州城東二里劄營職等與賊兵衝殺一陣
賊兵大敗官兵奮勇追趕二十餘里殺賊無數生擒二百餘人餘衆四散奔逃袁州已得隨卽出示招撫居民訖等情
到職該職查得江西一省已經收服十府惟贛州南安袁州未下耳今旣攻取袁州而南贛等處先已發兵進勦且夕
可下江西全省指日可收成局矣爲此除具題外理合具揭須至揭帖者右具揭帖順治二年九月日

五月十四日奉諭旨內閣學士孫家鼐奏請將各省學政改歸部選一摺著照所請

欽此

五月十四日奉諭旨內閣學士孫家鼐奏請將各省學政改歸部選一摺著照所請

欽此

五月十四日奉諭旨內閣學士孫家鼐奏請將各省學政改歸部選一摺著照所請

欽此

五月十四日奉諭旨內閣學士孫家鼐奏請將各省學政改歸部選一摺著照所請

欽此

明史紀事本末

內閣後六本

五百零一至六百零一

河南巡撫羅繡錦揭帖順治二年十月二十七日到

欽差巡撫河南等處地方提督軍務兼理河道都察院右副都御史羅繡錦爲遵旨進解劉營遺物事順治二年九月初一日准多羅機昂邦臣和羅會知會奉聖旨說與河南巡撫羅繡錦有平頭塚得過白狐狸皮一張金子一千零一十三兩五錢珍珠二十二兩九錢琥珀鍾二箇瑪瑙鍾一箇玉鍾十四箇玉瓶一箇劉洪起婦人二口俱解送京又銀一萬三千四百七兩銀鍾十二箇銀盤十三箇銀盆一箇留與該撫爲軍餉之用又奉旨賞巡撫羅繡錦馬一匹羸一頭貂鼠風領二箇蟒段一疋紬子二疋衣服二件賞總兵祖可法馬一匹羸一頭貂鼠帽子四箇蟒段一疋紬子二疋衣服一件賞總兵任得功馬一匹紬子二疋衣服二件俱傳與兩總兵差官來取外有餘剩馬羸衣服將該撫標下并祖任二總兵標下副將參將開姓名領賞等因准此職隨差官陳應元等前赴和羅會處領取應解狐皮金珠等項并留充兵餉銀兩及賞職馬羸袖段等物復移文祖任二總兵各另差官一同領賞去後至本年十月初五日據差官陳應元等將狐皮金珠銀兩馬羸等項趕至陝西西安府領回到職除賞職馬羸衣物職敬領另疏叩謝外查得和羅會與職手字內開金子比前多出三兩五錢珍珠多出一兩五錢八分玉鍾多出一箇又多出玉帶二條俱封識完固其留充兵餉銀口鍾盤銀盆共一萬三千五百零十二兩內出滿洲兵餉銀二千四百五十九兩與死人償命銀二百一十兩見在銀一萬九百零三十五兩留充兵餉再查劉洪起婦人二口趙氏張氏職於未奉俞旨之先於八月初十日差官李時芳已解兵部訖所有取來應解狐皮金珠等物理合備本開坐謹具奏聞伏乞聖鑒查收施行爲此除具奏外理合具揭須至揭帖者計開白狐狸皮一張珍珠二十四兩四錢八分金子一千零十七兩琥珀鍾二箇瑪瑙鍾一

河道總督楊方輿題本

□□□□□軍務兵部右侍郎兼都察院右僉都御史臣楊方輿謹□□□陳剿撫土寇機宜仰祈□□□照土寇充斥兗屬州邑所在見告其最悍者無如嘉祥縣之滿家洞城武縣之合義集皆拾餘年老巢小民所聞而魂消官兵所望而却走者臣細察密訪何處可以進剿何處當爲邀截先已得其情形於九月二十五日讀邸報奉有總河臣及河北鎮臣相機撫剿之旨卽調沂臨二鎮馬兵分頭進剿又料賊聞勦勢急□□奔逸先分兵二股策應令臨鎮副將蘇明□□兵往單縣沂鎮遊擊裴應陽領兵往金鄉□□□角令濟寧道臣朱國□□兗道臣□□天率同標下中軍楊國勳坐□遊擊范邨臨鎮副將張國助濟寧城守營參將賈承爵米繼宗領馬步兵三千餘名直搗滿家洞分派已定各於十月初六日調遣去訖賊果聞風鼠竄沂鎮遊擊裴應陽於初七日羊山地方遇賊逃走下山奮勇追殺斬獲多級盡洗賊巢於本月十九日據沂鎮總兵官夏成德塘報本月十五日辰時據標下遊擊裴應陽報稱卑職帶領馬兵二百名蒙總河部院調赴標下隨征本月初六日申時至金鄉縣初七日早隨會知縣韓鍵傳熟知地里鄉導官兵詰問出入來歷據稱欲堵滿家洞總路經過羊山此山後□平坦大路二條東北通滿家洞爲犄角之勢卑職於初八日帶領官兵山下列營以待不期此賊意欲下山逃走卑職帶領各兵撲殺上山殺死賊衆千餘陣失千總卞自才胡國名生擒賊首二名荆良珍劉守住差人押送本縣監候餘賊仍回舊巢卑職知此賊喪膽出沒不常于本日復差中軍陳國隆等探得賊至山坡乘機而逃卑職帶領官兵一齊上山將前後四座賊巢盡洗得牛四十三隻驢十六頭馬二匹騾一頭羊五隻於本日晚收兵回營今將前由一併塘報等情據此又據金鄉縣塘報本月十三日辰時據逃

難小厮楊小稟稱本月初九日被金鄉大兵攻陷羊山殺死賊人千餘賊首孫繼洪率衆賊逃至金山前黃土山屯劄被北兵攻破將孫繼洪殺死有滿家洞賊首宮文彩率衆助戰皆棄馬匹混入衆賊內身中三箭重傷將死王養玉身中一箭衆賊殺死太半向西謝家樓一帶逃去等情又據金鄉塘報於本月初十日戌時卑職因本縣鄉兵俱隨營協勦恐城內空虛致有疎虞出城閱堤查點巡風人役見鄉民二千餘皆負馱担擔循水而來卑職詰問緣繇俱稱裴將官傳令許鄉民各帶號布一條親領夷丁擁護前赴羊山將賊巢所遺糧物盡聽百姓取用逐一細驗皆係芝蔴棉花米麥器物據此看得大兵一出賊巢立陷且物利狼籍聽民取用較之因糧於敵者功更偉而德更溥矣理合塘報等情又據濟寧道臣朱國柱塘報本月初七日蒙本部院面諭督令本道協同坐營范邨副將楊國勦張國勦率領兵丁數百名前往滿家洞宣諭招安不意路至老軍屯忽見火光燄天砲聲震地本道率同楊張二副將并兵丁一齊馳至洞口見賊盡將草屋燒燬比時登山捉獲得賣魚人一名鄉民二名即將本道招撫告示一張責令執往洞內招安宮文彩等賊須臾回報洞中頭目俱不在洞已往山東撫院處討招安明示去了本道又捉秀才一名楊子衆復令執示招安回稱宮文彩等云請大兵暫回明日俛首納降本道即同楊張二副將暫至嘉祥縣歇馬初八初九兩日並無納降信息本道心甚疑惑楊張二副將即率兵遠探忽見金山頂上有賊衆數千海濠甚深鎗砲俱備隨率兵丁攻打三次殺死伏賊五千有奇至午時本道同遊擊范邨率領有馬官兵與楊張二副將合兵一處復行攻打殺死馬賊一百餘名奪獲馬八匹牛五十二隻驢二十頭將欲回營隨有分守東兗道章參政帶領副將許廷用中軍遊擊等官王邦瑞周輿韓應第吉時燮一德等率兵二千餘員名合兵一處賊見我兵策應心胆俱裂初十日逃至大義集又有本

部院發城守營參將賈承爵兵馬一千餘員名隨帶大砲五尊小砲神鎗鳥機共一百有奇又發奏凱營兵官周于德等步兵一千五百員名本道與東兗道率領大兵齊至大義集詢問鄉約俱云賊首于光斗聞大兵至從大義集逃至張馮集去了但大義一集俱是賊徒本道與東兗道招撫心濃將大義集賊衆五千有奇不忍殺戮准其納降獻馬二匹途近潘家樓又是賊巢亦不忍勦滅招撫安插不意彼賊陽順陰逆口稱歸降旋即變心放砲打傷隨後兵丁二名本道與東兗道再四斟酌似此條降條叛不行剪滅猶恐衆賊效尤於是督兵環圍攻打頃刻之間盡滅兇孽得獲牛驢三十隻頭及至張馮集本集賊首田惟呈等見大兵一至帶病投降獻馬二匹并鎗刀器械既經心順遂與招撫告示一張准免本集各賊前罪訖即問逃遁賊首于光斗潛躲何處皆云又逃往合義集堅固處所藏身希圖漏網隨即趕至合義集乃十四日未時也亦以良言撫諭當有劉秀才兄弟二人執告示一張招安衆賊傾心歸順者有五六百名俱令回籍復業訖至十五日卯時督令副將張國助米繼宗又行招撫復有滾濠男婦四百餘名口投降乞命亦令各還原籍隨問遁賊于光斗下落皆云昨日同有馬賊黨百餘名往西逃遁不知去向止剩餘黨六七百名在此本道與東兗道再三招撫不意賊輩擺列火砲鎗刀與我兵相角本道督令副將楊國勳等攻打東方副將張國助等攻打南方副將許廷用中軍吉時等攻打西方副將米繼宗攻打北方一齊衝打霎時拆毀海濠攻破平頭樓臺二十餘座比時本道與東兗道親登濠上遍觀賊巢見四五丈高大樓臺三十六座臺臺相連左右盤旋即有夾道不過二尺灣曲難行轉施不便蒙本部院密授方略差遊擊范邗執令旗一杆令箭二枝催督森嚴先令副將許廷用同欒一德率兵攻西方一帶樓臺督催協力中軍遊擊等官王邦瑞周興韓應第又有胡來順帶領樊虎張法等盡力衝打攻破樓

臺九座又令副將米繼宗等率兵攻打東方一帶樓臺督催協力中軍等官劉學田運昌李道美沙成器等盡力衝打
 攻破樓臺十一座又令參將賈承爵周于德率兵攻打南方一帶樓臺督催協力守備王天祐劉鉞楊文又有李永年
 李準赤其心等盡力衝打破樓臺九座自卯至酉各官兵不避矢石俱擁至臺下鐵錘鑿開樓角用火焚燬三路官
 兵共得樓臺二十九座有七座高樓甚是堅固十八日督令副將米繼宗帶領徐三元左一明等奮勇攻破樓二座周
 于德等攻破樓二座十九日督令中軍吉時王邦瑞白文光等攻破樓臺一座惟有二樓高大難攻復遣副將許廷用
 等齊心合力奮勇攻打遂破二樓此樓既破之後四外小賊望風慕義攜老挈幼饋獻酒食供應糧料搖尾乞憐者有
 嘉祥縣地方狼山集卷朋山胡樛山呂家莊燠火山步山姚官屯焦城村獨山集石臚村馬市花林三莊大小紙房共
 一十六處叛民約有萬餘又有鉅野縣地方李家樓侯家樓犇壩集李家屯忠義集秦家樓蕭家莊楊道姑集任家樓
 營裏集張奉集蕭家樓共十二處叛民約有一萬二千餘俱焚香稽顙納馬繳器改邪歸正馬匹器械俱發該縣貯養
 責令各歸復業是役也振揚威武宣諭德意跳梁跋扈者旋加刈芟倒戈投順者各散閭里即有一二宵遁者尺水難
 以興波亦不能復爲作祟嘉祥鉅野等縣久爲土賊窟穴今復爲昇平世界也其攻打樓臺被賊所傷守備等官李元
 勳樂一德周興王天祐兵丁任惠楊加祥并大流店兵官張洪勳名下重傷兵丁楊棟李大郭大等共三十七名陣亡
 守備一員盛國勳兵丁一名許廷惠除一面備查勦撫地方人民奪獲馬騾牛驢器械等物數目另行開報外理合塘
 報等情又據臨鎮副將蘇明道塘報十月十四日丑時據單縣城北方貴集鄉練參將劉君學塘報內稱洞賊已有南
 遁之信目今各巢賊衆猖獗已臨單境合請大兵會剿等情到職據此該卑職卽統原領馬步官丁一百三十員名飛

赴方貴集會合劉君學所練義勇兵丁三萬餘員名於本月十五日卑職統領材官李應龍等七十三員步兵三十名劉君學統領鄉兵二千九百名督陣應援各處外另委守備馬弘捷鄒延奇率同練官張東明等發兵六營前往正北東北一帶搜剿又委守備王振齊高養志王宗義汪起任率同練官趙民喜等發兵七營前往正西賊巢孔家樓遇賊五百餘名出巢衝突我兵迎頭對壘各兵奮勇用命殺死賊五十餘名賊見勢重即歸本樓往下拋磚擊打我兵盡力攻圍至辰用火攻焚又至張景樓上有賊百餘名上下擊打至午被火攻破又委把總二員金邦成李剛守備張宗韜楊保率同鄉兵千名前至大部城集樓臺六座上賊千餘高聳瞭望下有賊六百餘名預備打杖我兵分爲五股四面齊圍彼此攻打至已賊敗上樓職領兵督催多撥兵丁將各樓用錘鏃掘透樓孔用火攻焚又至宋恒字樓上有賊三百餘名各執長鎗三眼鎗下樓對敵卑職身先士卒直殺巢穴各賊不及歸樓我兵四面環繞追殺數里斬獲三十餘名前至于得水樓三座餘賊盡上此樓并本樓賊約有六七百餘我兵奮力攻取樓上拋石如雨將把總金邦成頭腦打傷并打傷鄉練官李根深等三員又用火礮丟下燒傷鄉兵馬文科等五名自午至申勢如破竹哀懇求降免死卑職說伊真心投撫須下樓將器械等項交明方可招撫彼即發下夥賊二名交長鎗三十七杆給散各兵訖領給招撫告示改邪歸正又據守備王自相李文學董顯能鄉練劉茂官等探至單家莊獲住土賊細作一名李九口稱本莊賊有三十餘名宋慎所樓賊百餘名劉家樓有賊不知多少聞說大兵即到俱先奔逃竟投小部城集賊首史魁吾等我兵一到只落空巢飛奔趕至二十餘里只見賊二百餘名東西四散斬獲五六十名又據守備王天受許進功盧永勝報稱兵至關家樓上有賊三百餘我兵用命攻打至已用火攻破一概焚死樓上用石打死卑職原帶步兵六名劉才

李應奇孫玉王進忠劉應舉李化龍當卽埋訖又據守備隨成功吳東友探得孫孝寺集西南遇賊首許秀一率夥賊百餘名我兵分頭截圍斫殺賊首許秀一被鄉練印國瑞斬訖餘賊殺有太半四散逃潰者職領應援之兵遍野搜剿隨至徐家樓賊自詐失火焚死又據守備王方勝管安邦報得宋慥家莊賊首李九李四等聽兵到先逃離巢留看巢穴賊拾六名盡獲審明誅訖又至侯家樓上有賊百餘名口稱賊首龐可行等聞說兵到已領夥賊二千餘名逃遁河西樓上賊衆拋磚下打我兵用砲打碎樓門奮勇直上有劉君學參謀生員郭鍾文認識單縣侯生員婦母劉氏并子小五僕女小冬原係被擄合力救出餘賊勦除一空十六日又據劉君學差撥鄉練胡法器等探得馮家樓賊不計數下有賊千餘出巢衝突我兵不知先已埋伏四面一齊喊吶如雷奮勇直攻賊抵當不住卽上本樓我兵用大砲擊打用鐵鑊掘透樓根發火盡燒內有跳下跌死者一百四十餘名是日天晚撤兵回縣連日搜剿各巢其米糧器物任民取用所獲牛驢俱交劉君學營內暫捧喂養查明另報外擬合塘報等因又據金鄉塘報本月十六日卯時准裴將官知會卑職親督本縣鄉兵并同生員張士表楊雲舉都司莫尊爵承差劉永年會合大兵前往城西曹家樓剿賊行近賊巢約有八里餘卑職見地勢坦淨絕無樹木掩遮恐樓上遠望生出詭計便指揮兵馬遶南路茂林前進逼近巢邊賊方知覺欲行逃遁我兵攻入將賊三百餘名盡行殺死遺下糧米花麥遵依憲諭任憑鄉民取用所得婦女帶回至縣一一發落有功員役當時賞訖理合塘報各等因到臣該臣看得土寇蔓延屢撫屢叛若不大剿則撫亦不服臣所以決意先剿後撫適值青州有變恐其乘勢鷓張極力督剿臣聞賊用長鎗我兵須以箭勝一月之前卽已造箭五六千枝陸續運赴軍前所幸官兵用命羊山賊首孫繼洪等逃而復殲四寨盡洗此一捷也滿家洞攻打將破賊首宮文

彩等被箭中傷僅以身免復斬級無數此又一捷也賊奔大義集被我兵攻破又奔合義集內有三十六樓儼然堅城從來無人敢到數日之間俱已攻破巢穴盡焚殺賊無數招安無數此又一捷也至于分調單縣官兵防賊奔逸相機剿撫殲渠散脅功不減于羊山滿家洞合義集二處此又一捷也是役也斬級不下數萬隨剿隨撫所全活者亦不下數萬至於賊巢既破之後臣傳諭官兵止焚高樓毋焚房舍所積米穀等物毋令燼燬一任窮民搬運此又於剿撫之外仰體皇上好生之心子惠困窮之意旁通而曲暢之也其有功文武將士如兩道躬親督率諸將奮勇先登或轉運糧草或身冒矢石若臣不過防守城池居中調度而已何功之有哉此番剿撫在我大清雖不足爲罕事但當此人情積怠兵力廢弛之後有此効死用命之人不可不激勵鼓舞以爲將來之勸除將所獲馬匹器械牛驢并無主婦女遵照旨給賞有功外所有陣亡中傷官兵相應一併優恤以昭□仁者也伏乞聖明鑒察勅部議叙施行緣係備陳剿撫土寇機宜仰祈聖鑒事理爲此具本專差坐營官范邲齋捧謹題伏候□□□□年十月二十三日總督河道提督軍務兵部右侍郎兼都察院右僉都御史臣楊方興